



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 31/22

Në mbështetje të nenit 8 dhe 12 të Ligjit për Organizimin dhe Funksonimin e Administratën Shtetërore dhe të Agjencive të Pavarura Republikës së Kosovës Nr.06/L-113(Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), neni 7, dhe neni 15 të Ligjit për Arsimin e Lartë në Republikën e Kosovës Nr. 04/L-037(Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, Këshilli Shtetëror i Cilësisë (KSHC), dhe të Vendimit 3236/21D të datës 21.09.2021, Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

- I. Refuzohet kërkesa e Kolegjit “Pjetër Budi”, Nr. 3514/21H datë 01.11.2021 për akreditim të programit të studimit:
 - Inxhinieri Bujqësore me Prodhimtari Organike, BSc, 180 ECTS (akreditim).
- II. Refuzohet kërkesa e Kolegjit “Pjetër Budi”, Nr. 3514/21H datë 01.11.2021 për akreditim të specializimit “Menaxhim i Sigurimeve” të programit të studimit: Menaxhment, MA, 120 ECTS (ri akreditim).
- III. Ky vendim hyn në fuqi me nënshkrimin e tij.

A r s y e t i m i

Kolegji “Pjetër Budi” ka parashtruar kërkesë (Nr. 3514/21H datë 01.11.2021) pranë Agjencisë së Kosovës për Akreditim (AKA) për akreditim të programit të studimit: 1) Inxhinieri Bujqësore me Prodhimtari Organike, BSc, 180 ECTS; 2) Specializimi “Menaxhim i Sigurimeve” i programit të studimit: Menaxhment, MA, 120 ECTS (ri akreditim).

Bazuar në pikën 1.2 të Nenit 10 të UA për Akreditim ku thuhet, *“Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në*

1/2

mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”, KShC në mbledhjen e mbajtur më 21 dhjetor 2021 ka trajtuar aplikacionin e dorëzuar nga ky Kolegj.

- **Për programin Inxhinieri Bujqësore me Prodhimtari Organike, BSc, 180 ECTS (ri akreditim)**, institucioni ka paraparë si bartës të programit: Skender Ramadani (PhD në Bujqësi dhe Mjedis), Muzafer Luma (PhD në Bujqësi dhe Mjedis), Avni Gashi (PhD në Bujqësi dhe Mjedis, drejtimi Shkencat Agronomike), Avni Gashi (PhD në Organizimi dhe Menaxhimi /Agrobiznes dhe Nënsektorët), Xhevdet Bushi (PhD në Organizimi dhe Menaxhimi /Agrobiznes dhe Nënsektorët).

Sipas Nenit 26, pika 5.3.4 e UA për Akreditim, kërkohet që: “Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve”.

Pas verifikimit të dokumentacionit ashtu siç është përcaktuar me Udhëzimin Administrativ 15/2018, KShC ka konstatuar se Skender Ramadani nuk e ka paraqitur dokumentin e nostrifikimit të diplomës, si dhe nuk plotëson kriterin e publikimeve shkencore sipas vendimit të Këshillit Shtetëror të Cilësisë nr. 3236/21D të datës 21.09.2021 për plotësim e parimeve themelore të Manualit për Akreditim, pika 5.1 e tij, ku përcaktohet se: *Nga 1 tetori 2021, përveç kritereve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1(një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT. Bartësit Avni Gashi dhe Xhevdet Bushi janë të angazhuar me orar të plotë nga një punëdhënës tjetër.*

Bazuar në faktet e prezantuar me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aplikacionin për programin e studimit Inxhinieri Bujqësore me Prodhimtari Organike, BSc, 180 ECTS.

- **Për programin Menaxhment, MA, 120 ECTS, (me specializime: Menaxhment i Përgjithshëm; Menaxhment në Turizëm dhe Hoteleri; Menaxhimi i Sigurimeve)**, institucioni ka paraparë si bartës të programit: Fitim Maçani (PhD në Turizëm), Marta Muqaj (PhD në Ekonomi/Menaxhment) dhe Drita Maliqi (PhD në Ekonomi).

Sipas pikës 5.3.5. të nenit 26 të UA për Akreditim, kërkohet që: “Nëse programi i studimit përmban edhe specializime, atëherë numri i specializimeve duhet të jetë në përputhje me numrin e stafit akademik të rregullt me gradë akademike PhD, në atë program i cili ka kompetencën e duhur për ato specializime”. Ky program ka 120 ECTS dhe 3 specializime, dhe rrjedhimisht, sipas nenit 26, pika 5.3.4. dhe 5.3.5 të Udhëzimit Administrativ për Akreditim, për këtë program Kolegji “Pjetër Budi” duhet të ketë së paku katër (4) staf akademik me marrëdhënie të rregullt të punës me gradë shkencore PhD nga fusha e programit të studimit.

Bazuar në kërkesën për akreditim të këtij programi të studimit, në të cilën Kolegji “Pjetër Budi” ka paraqitur vetëm tre (3) staf akademik si bartës të programit të studimit, e jo katër (4) siç kërkohet me UA për Akreditim, KShC në mbledhjen e 94 të mbajtur më 21.12.2021, pas shqyrtimit të aplikacionit, ka konstatuar se stafi akademik i prezantuar nuk është i mjaftueshëm për mbulimin e specializimit Menaxhim i

Sigurimeve të këtij programit të studimit, dhe si rezultat ka vendosur për refuzimin e këtij specializimi si në pikën II të këtij vendimi.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Pastaj, ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Kolegjit “Pjetër Budi”
- MASHTI;
- Arkivit të AKA-së.


Prof. Ass. Dr. Hasnija Ilazi
Kryetare e Këshillit Shtetëror të Cilësive

